

四庫全書存目叢書統纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第二八三冊



責任編輯：孫言誠 賀 偉

ISBN 7-5333-0615-5



9 787533 306151 >

E354/02

四庫全書存目叢書·集部二八三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092毫米 16開本 53.25印張

1997年7月第1版 1997年7月第1次印刷

印數1—100

ISBN 7--5333 0615 -5

Z·60 集部定價：127800圓

集部第二八三冊目次

集部·別集類

六湖先生遺集十二卷

〔清〕張文瑞撰
吉林大學圖書館藏清乾隆九年孝友堂刻本

一

念西堂詩集八卷

〔清〕王令撰
北京圖書館藏清康熙刻本

八六

古雪堂文集十九卷

〔清〕王令撰
山東省圖書館藏清康熙刻本

一五八

薪樞集四卷附年譜一卷行略一卷

〔清〕許昌國撰
年譜 行略 許重炎撰
南京圖書館藏清乾隆刻本

三〇七

郭中州禹門集四卷

〔清〕郭振遐撰
上海圖書館藏清康熙二十二年刻本

三五九

天門集六卷文集五卷

〔清〕吳盛藻撰
福建師範大學圖書館藏清康熙刻本

五一四

歲寒堂初集五卷存稿不分卷(一)

〔清〕林璐撰
湖北省圖書館藏清康熙武林還讀齋刻本

七三四

六湖先生遺集十二卷

〔清〕張文瑞撰

吉林大學圖書館藏清乾隆九年孝友堂刻本

附《四庫全書總目·六湖遺集十二卷》提要

蕭山張六湖司馬風雅恬澹君子也平初其
 慕其人而終以不得一見丰采為憾乾
 三月司馬嗣君佳山游日下手司馬遺集詞予屬
 予序予讀司馬之詩益以嘆司馬之為人實晚近
 所不可及也司馬稟受異質胚胎前光年甫冠鍊
 關汲古有聲藝苑暇即學為戲詩出句輒驚里中
 老宿及壯隨待北平耳需日染學殖日益厚所交
 皆當世賢豪互相磨切名譽亦隆隆日起方自負
 取科第直如摘領下髭耳無何數奇屢躋場屋嘆
 乎以安世之學窮三篋而坐賦四愁僅同平子其
 六湖先生遺集 序周 一
 為軼軻柳鬱不待發為歌詩子早有以知其聲之
 淒且激矣既而隨例調選司馬青州清端敏練政
 甲二東廼復與時柄鑿十年不調青衫蕉萃白髮
 刁騷視事則簿領紛煩行役則山川遐阻憂從中
 來誰能遣此而司馬遇物流連臨風吟嘯一一托
 諸長篇短什巨萬其夷猶冲澹之致不事瑣肝琢
 腎而一往清雋不減香山嗟乎讀司馬之詩即可
 以知司馬之為人矣他日司馬解組歸里頭養天
 和予方期一遂初衣訪司馬於西陵江寺間相羊
 文酒以醫生平願見之歡今已矣神理茫茫黃壚

誌感此子之所以讀六湖遺集而盡然也佳山抱
茲遺集思續先業司馬可謂有子矣佳山可謂能
讀父書矣會稽學弟周長發拜序



六湖先生遺集

序周

二

古之為吏文章與政事無相妨也牒訴倥傯日盈
於前而嘯志歌懷不損其趣何哉才足以兼之性
復不移於耳樂其從容出之而有以皆得固其宜
也近世仕宦者不然方縮尺後坐曹紛紜畫治文
符或繼夜燭於是短檠棄乎墻角研匣封乎暗塵
一詠一吟恐廢官務徃徃休息而宣城蘇州香山
五屬之風流雅韻始無復有總之者矣獨蕭然張
君六湖起儒生佐大郡職事甚治而以其餘閒時
皆賦詩雕鍊篇章清和密麗未常以官自局也青
州地廣人衆故其舊俗有懷輒之目君為同知能
得要領政以簡靜予素知君才良歲己酉庚戌子
有事


六湖先生遺集

序陳

一

闕里遠君亦來司營構周旋朝夕偕得甚驩凡所
為詩觀覽略編歎其一本性情非猶夫世之銜華
逞巧自詡工妙者乾隆初予被
召貳御史大夫君上計京師謁予邸中握手道疇
昔流連談話久不能別未幾而君去去無何而聞
君卒矣惜良友之奄亡感通人之零落徘徊俯仰
愴在中懷後數年君有子學懋編綴遺集鏤梨既
成以君與予生平之好屬序其書披卷未終再三

興喟鄰人之笛恍忽山陽孟亭之文空留江漢若夫君在青州尤有惠政人至今能道之是其可以不沒者又豈獨在於詩乎乾隆乙丑春王三月下浣年家眷弟海寧陳世倌拜撰



六湖先生遺集

序陳

二

嗟乎予讀六湖先生遺集而慨然也念六湖平生有白傅青衫之恨而老大蛾眉同一淪落能無根觸於懷六湖少負俊聲偕里中名士聯詩社推為職志隨侍尊甫永平公宦遊燕南出交當世聞見日益廣意氣轉上既數踏省門不中第隨例作選人又旅食京華發為詩歌多掩抑摧藏間亦自寓詼嘲中年得青州司馬非其好也予以雍正丙午冬出守兗郡濟上行省都會歲四三聚如趵泉歷亭同官燕集於斯多喜道日下近聞或舉大憲云云若何監司云云若何六湖獨與予談藝護誼絮沓不能自休諸公相與日笑之六湖軒昂自若未幾而有闕里之役於時晨夕過從惟六湖與予及東阿令西軒何君耳官司司匠石麋至於集夫已氏乘機鬪捷梭輪之不務顧乃日奏偃師之伎此三年中予與六湖看盡魚龍戲齒冷人間非一事矣工竣星散不相聞問者八年乾隆丁巳予客楚濟上六湖適以公事至相見問無恙外繼以三歎六湖謂予君且迴軫我行誓墓兩人其沮溺流乎予曰君之齒未也今方伯江夏先生甚才君盍少俟之蓋六湖吏事精敏遇振災卹患草行爰舍不皇

六湖先生遺集

序金

一

寧又所至講求水利鏡其源流方東省議開小清河也六湖奏記方伯指拱利病時議者力主濬深支脈溝且隄防以拯高博樂三邑泛濫六湖獨建言請停支脈溝隄工移春錨於乾河用後小清河故道仍存軍張開以殺其上流別開倉頭溝以分其去路皆切中冑綦會有尼之者不盡如君笑一官蹉跎亦竟十年不調嗟乎今之所謂竿頭進步大抵如火如花而我六湖蒼涼涼視彼望塵如避赫曦王沈有言得爐冶之門者惟扶炭之子冰氏子守其故我其與時叔杆也固宜自古感士不

六湖先生遺集

序金

二

遇騷人具有賦心而迂生劉晝且從而作高才不遇傳獨今人也哉獨六湖一人也哉六湖所為詩甚夥嗣君佳山泉集其全今予論次予稍為淘汰擇其尤雅君詩發抒性靈流露天葩道得眼前景悉心溢目妙處何減長慶老人然亦未嘗倚傍門戶其胷中一段輪囷鬱摯之氣要自不可磨滅予投老鑑曲距蕭然山下烏篷白舫一昔可至方將遊君作山澤遊蓋耦耕之言猶在耳也而六湖亟作古人矣泣然書以歸之乾隆八年桐始華之月

同學寅弟山陰金以成



六湖張司馬老先生尚書華閱刺史清門素有才子之名蚤著通人之目玉池清水灌其靈根仙露明霞方其朗潤謀心思於神講出睿慮於風成揚手文飛似巖花之錯映揮毫霧捲儼江月之澄鮮宜其名擅騷壇號稱詩伯者矣僕生而同里齒亦肩隨殊乏銜孟接鄰之歡曾無擊鉢聯吟之雅雖英辭妙句往往傳聞而積卷全編家窳富目所以然者良有說焉蓋老先生以神仙之姿早一麾而出守僕則蓬茅之子垂沒齒而無聞升沉之路既殊會合之緣自少然而鄭吳縞帶托遠契於萍踪

六湖先生遺集

序周

一

郭李仙舟結逸情於塵表譬雲龍之相逐寶嬰鳴之是求及不佞謬應詞科待詔金馬門前適老先生驅馳王事相遇蒼龍閣下依稀舊識樂莫新知當此之時燦鉛刀於歐冶之爐幾忘鈍拙厠嫫母於陽文之側自醜形容未幾而南嶽獻嘲同退飛之聽烏台星中圻傷凋謝之哲人嗣宗臨岐路而悲哀濬沖過酒壚而慟哭僕本恨人誰能遣此也哉今佳山兄思表前轍俾予作序諦觀往製行行入羣玉之林縱覽遺編字字浴技金之瀨驅穢濁而馨沆瀣棄糟粕而漱醇醪意蓋經營無取乎剪

紅刻翠辭條茂密有異於擘柳吹花規撫在李杜之間位置入元和之室至於筆分三品書載五車藏著作於名山燭英華於南斗敬附數語敢云皇甫之序太冲藉是而傳略綴片言亦如遐叔之於騎曹情弗能禁同里周琰青瑤氏頓首拜撰



六湖先生遺集

序周

二

六湖先生遺集

較閱姓氏

文安井其洵眉一

文安陳鳳友鶴汀

盧氏王爾鑑熊峯

邵陽雷 豫介石

安化姚仁昌來裕

文安井玉樞丹文

來安周克龍雲際

曲阜顏懋倫樂清

錢塘聞人儒軼宋

歸安潘汝誠笠庭

錢塘沈 范厚田

海寧陳景星健雲

樂清薛 英雪堂

山陰胡仁濟沛施

山陰金 磐安亭

會稽王繩武載揚

六湖先生遺集

姓氏

上虞徐 軾長蘇

會稽童翼鵬南九

同邑來景風萬嘉

周漁文恭先

黃 雲天繪

吳元禮經百

趙 鎬豐來

林 霖潤奔

周 琰西序

李開嘆迥亭

孫有仁克三

周作梅予良

陸 爻素伯

陳師亮葵友

丁百川學海

宗姪 若天叙潢

蔡成賢公傳

鼎載銘

王 淇瞻筠

六湖先生遺集目錄

卷一

亦南軒近稿古今體詩七十八首

卷二

因心齋近稿古今體詩六十三首

卷三

淺綠山房稿古今體詩六十一首

卷四

當歸小草古今體詩五十七首

卷五

孤雲集古今體詩二十三首

嶺南游戲集古今體詩四十七首

卷六

歸厚莊稿古今體詩三十四首

北游集古今體詩三十二首

卷七

松雲草堂稿古今體詩三十首

北至集古今體詩二十五首

卷八

來青集古今體詩二十八首

六湖先生遺集 目錄

一

曲阜集古今體詩三十五首

卷九

曲阜二集古今體詩十首

西笑集古今體詩四十五首

卷十

再來青集古今體詩六十六首

卷十一

來青三集古今體詩五十首

卷十二

鳳眼亭稿古今體詩四十二首

六湖先生遺集 目錄

二

胞與堂稿今體詩一十六首

六湖先生遺集目錄

六湖先生遺集卷之一

蕭山 張文瑞雲表 著

亦南軒近稿

讀揚子十三首 并序



東坡和淵明山海經十三首皆賦也余讀子雲

書有所感發遂踵其韻

勺水生波瀾寸木生扶疎好德不斧藻樂道處窮

廬先師鑄人術惟此數卷書諸儒苦辭勝撫華盈

五車譬如食肉者孰若甘藿蔬有玉匪錯諸賤與

瓦石俱速哉七十子遷善成令國所以揚子雲草

六湖先生遺集

卷一 亦南軒稿

一

玄心泊如

馬蹄驥亦驥人睇顏亦顏讀書如好色好色當少

年望道如望遠望遠須高山常蓋有至味可與知

音言

鳳鳥不復至舉世寡聖邱冥行脫緩手安得鷄也

倚華丹亂窈窕邪哆侈名流卓哉子雲語禽門莫

浪遊

嗟嗟揚子雲生當漢斜陽孤負經濟才命薄筆舌

長文字燭千古火用而彌光柰何親見之內眼迷

驪黃

子懷吳延陵遜國心可憐復憶鄭子真谷口耕窮
山存神索幽眇潛德貴無言學士不聞道何論彭
殤年

南山有黃鳥迴翔集喬木風雨苦為巢雙飛出幽
谷朝衙闈苑花暮就瑤池浴雖無鳳凰德保身明
智燭

九鼎非所寶古人惜寸陰今人繡擊悅眯目為儒
林靡靡調鄭衛蕭韶無賞音安得屏華藻浩然澄
素心

冬日疾於駛夏日舒以長士大愛光景聆德存天

六湖先生遺集

卷一 亦南軒稿

二

常仁義為威饌六藝為餘糧庶幾顏氏子簞瓢樂
未央

風雷一鼓舞羣動爭奔走為政苟日新子來將襁
負穀人畫不足絲人夜何有受羊求牧芻曷忍鞭

其後

秦楚漢之際血國如沸海表裏皆劔立孤際失所

在斧刀而木肉祖龍得無悔終以與沛公大心蓋

有待

揚子惡鄉訕頗得先師旨孰謂賜也紋好貨幾誤

死西南往得朋考祥視素履所以天資高可與不

可恃

子長多好竒所謂豪傑士史記炳丹青經營亦勤
止後來珥筆者巫學禹步苟取巫鼓為何世無
才子

孝子能愛日何論才不才祿養倘非義曾弗如嗟
來除無為名心詎慮生嫌猜陔華可以補庶幾優

游哉

燕角店口占

歸路香河北微涼燕角秋野舟叢晚渡孤月上新
愁

六湖先生遺集

卷一 亦南軒稿 三

九月三日自遠西郡還家省墓留別井字

寅羅慎調姚時鹿徐白山胡沛施沈維城

任自山諸世長二首

秋水愁雲處處同虎頭渡口又西風此行不為鱸

魚贈猶及家山未掃松

惜別南邱酒數椽還鄉河上更徘徊渡淮漸與家

鄉近越水吳山次第來

次琉璃河

無風無雨近重陽蕭瑟離亭柳葉黃試問琉璃橋

下路隔河州里是樓桑

琉璃河曉行

料峭西風取次寒五更扶夢上征鞍乘乾月色西
山影雙照離人淚眼看

鄭州

趙北燕南路渺茫芙蓉秋水颭寒塘尋思憂患無
頭緒獨向琳宮拜梵王

任邱家君曾
事是邑

落日征途屢問人甘棠樹裏暗前津舊遊曾是兒
童歲二十年來記不真

平原旅次題壁

六湖先生遺集

卷一 亦南軒稿 四

黃金臺下無竒策羅刹江頭有故園我亦從來感

知己欲披風雪弔平原

沂州

歸路蕭條黃葉風鞭絲帽影夕陽中三齊山水多

竒秀看到江南又不同

郟城

傾蓋亭邊日欲斜落霞紅樹映溪沙人間那有閒

於我一路吟詩直到家

落馬湖邊作

湖水湖煙澹沱秋草風莎雨亂羈愁幾聲落雁平

沙暮憶上漁陽舊酒樓

淮南未賤及南游楓葉蘆花滿日秋明日且辭湖
上路更攜詩卷上扁舟

經桃源越店自和戊子春題薛韻示內

馬首南矣路涉漫羈愁暫借一枝安明朝小得扁
舟趣淮上青山枕上看

小隱邱樊背夙期歸心如水夢如絲故園叢菊知
搖落孤負張翰兩衷詩

淮安舟次

歸驅日夜下揚州歷歷丹楓兩
木湖先生遺集卷一亦南軒稿
買得一瓶桑

落酒清淮明月照扁舟

泊揚州

天轉西風解客愁片帆安穩到揚州來朝又聽吳
儂曲別上姑蘇鴨觜舟

揚州舟中示內

輕帆拂曙過揚州歌舞如雲感薄遊不向瓊花館
裡醉心知獨負廣陵秋

京口

吳兒生小狎潮頭晚渡秋江不解愁我亦尋常會
看水半飄落日過瓜州

虎邱夜泊

奪目溪山錦作堆人家多近水樓臺生憐今夜吳
宮月偏照煙波濁酒杯

吳江遇雨

楓橋昨夜月如鉤江上吳歛枕上游今日鸚湖遭
細雨逆風吹進小船頭

新墅示內

石門細雨點秋波小港穿來逸舫多
漁村見玉鳥
柏葉紅桑葉落采菱人唱采菱歌

臨甯船頭浪作花晚來小雨密如麻莫愁歸路多

木湖先生遺集卷一亦南軒稿
六

學曲明到錢塘便是家

次韻周菊山見贈之二

進取非狂簡交遊是底忙偶因占白鵲聊復買紅
妝春醞寒猶綠秋橙晚更黃醉來歌一曲遮莫顧

周郎

樓前梅花未開詩以催之簡同社諸公

曾憶霜根數寸裁凌寒玉質最先開未應老去全
無力想為春遲懶得來翠羽林間猶悵望焦桐絃

上幾徘徊孤高偃卧踈籬下欲借新詩為一催

讀史偶題

前有高山四結後有壺關三老同是一言悟主獨
恨千秋不早

一誤豈容再誤推她不若推他故劍微時安在望
思臺上歸來

次韻周曆長表兄兼簡菊翁

宮牆秀色映比鄰周子牕前草似茵歲暮得為閒
處士歸來都是倦遊人太平神鼓頻驚夢元祐梅
花已闕春為報竹林南北阮好摠幽思賦安貧

雪後同單六附舅祖家堯文兄如長河從

西興塘扶履徃來興頗不淺歸家得周菊

六湖先生遺集 卷一 亦南軒稿 七

山和澹溪詩因用來韻

雪後山光射眼明長河懸路傍沙行微微官柳回
春意屢處晴簷做雨聲借竹池頭冰似鑑翫江樓
上玉為城年來脚力多強健一路無勞走馬迎
龍圖閣下穿花過燕喜樓邊認竹行結得一雙詩
隊伴喧來數里醉歌聲江添春溜初消雪嶺帶寒
光半入城乘興不知歸棹晚非關到處有逢迎

留別內子

樟亭春色上征袍笑別南園第四遭不是心腸如
鐵石須知吾輩豈蓬蒿樓前萼綠花如繡江上相

思柳似條帶得司空舊孤劍欲憑風雪淬霜毫

吳門舟次二首

蕪揚歌舞亂紛紛憶昨歸舟共細君今日重為吳
市客回頭不見越山雲百花洲上春光合廿四橋
邊月色分緘得家書難寄與獨瞻牛女帳離羣
春色朦朧夜氣浮滄浪亭外暫維舟梅花約畧窓
前瘦明月依稀鏡裏遊別路愁聞款乃曲羈人寒
倚牡丹頭牡丹頭名知君願學臨川婦手擲蘭亭自
寫憂

夜泊虎邱

六湖先生遺集 卷一 亦南軒稿 八

山塘樹色暗前津喜見花燈照眼新一昨同舟真
似夢重來繫纜恰逢春迴文錦上愁隨線連理枝
頭月傍人安得芙蓉開舊館芙蓉館先
曾祖別業與君相養
白頭親

夜泊缸尖對月

十里湖鑿映客船月光如水乍清圓偶攜日鑄無
雙茗來試江南第二泉所恨片帆尋遠去更看孤
影坐相憐鄰舟忽唱吳儂曲入耳鄉思倍黯然

元夕新豐夜雨

蕭蕭春雨打船篷歷歷鄉愁繞夢中只有詩篇消

永夜了無燈火過新豐離家略似孤飛雁送客生
憎五兩風行畫江南更惆悵黃梅花謝杜鵑紅

元夕後夜丹陽對月

江浦愁雲黯復開重重旅榜趁潮來為憐二八嬋
娟月深酌尋常漱灑杯燕雁南來同信宿春山北
顧獨徘徊北顧東風吹我懷人夢繞過西陵舊驛
臺

淮安舟次

春光駘蕩柳梢頭滿眼清淮感舊遊晴獻遠山來
積翠岫融殘雪駐孤舟客邊漸覺鄉心改別後誰
六湖先生遺集 卷一 亦南軒稿 九

渡河宿楊心水家

十載光陰客路多勞勞賴尾意如何黃河渡口風
兼浪紅粉壚頭醉後歌越絕漸如天樣遠江南疑
是夢中過遙知繡閣吟詩夜自掩殘燈駐錦梭

黃家營始發

芳草青青路欲迷長安直北馬頭西十年對策無
知己一旦飄蓬愧老妻燕子來時先杏雨杜鵑啼
處隔春閨含情更有風前柳細舞蠻腰滿大隄

桃源道上

出門大笑向長安草草離情強自寬幾轉流鶯來
倦枕一回殘夢逗春寒紅飄風片帘前雨綠染晴
絲柳下餐記得昔年經此地桃花一棗馬頭看

紅花步

雲間春色滿枝紅自隔南冷便不同曉樹暗迷游
子騎霜花寒壓打頭風偶還家裏翻如客終日塵
中轉似蓬寄語羅敷休悵望雙飛那得學輕鴻

沂州道上作

游子長歌陸陸詞黃鸝慙慙轉高枝路岐不下楊
朱淚飯顆相逢李白時山帶蒼烟宜晚對野無青
六湖先生遺集 卷一 亦南軒稿 十

草見春遲東南思婦休長歎自古男兒輕別離
淡蕩流風扇客衣離鴻寒帶夕陽飛窮郊未信今
生是托鉢徒添昨日非雲近龜蒙生氣色雨餘桃
李欲芳菲壚前買得羊曇醉卧看春山翠打圍

任邱晤邊漪園

青車還過舊花封客舍蕭條近晚鐘不意故人來
促膝更叨春酒醉離容馬卿諫獵心徒切匡呂談
詩興願滾為愛君家好庭樹他年雞黍約重逢

豐潤縣學官有商昂相傳宋道君北狩所

遺明弘治中得諸田間以為守器子諱賦

之不過唐宋時物然亦足以寶矣腹內科
糾五六行惟甲申八月丙寅數字可辨賦
此呈朱廣文羅世兄

何年寶鼎亦蒙塵。流落沙場幾百春。鳥跡誤傳殷
甲子。龍胡不返宋君臣。東來紫氣通箕斗。西貢神
香配席珍。我亦從來多古意。獨尋奇字叩聞人。

潞河溪藻堂偶題二首

小雨晴時燕子飛。杏花開過尚春威。擬為十日平
原飲。借問玉孫歸未歸。

三十年來兩鬢皤。清貧太守命如何。腰間尚有黃

六朝先生遺集 卷一 亦南軒稿 十一

金印。莫笑門無雀可羅。

寓藥王宮雜詩六首

青門昨夜雪。朵朵壓梨花。似與春為梗。非關月在

沙。豈年問西野。近事屬南華。無限樟亭意。躊躇天

一涯

東路殘春日。西堂細草多。閒飛鷺夢蝶。不樹聽經

鷲。梁月思元度。危言傳秦駝。門無賓客至。聊且脫

吾鞵

客裏憐春去。愁中較日長。嫩紅經雨潤。焦墨趁花

香。悔與時髦接。生添宿學荒。邇來無錦句。羞澁舊

奚囊

南能開寶地。扁鵲有叢祠。曲徑迷芳草。懸龍叫畫
眉。春光猶反掌。客況似殘棋。所喜長安近。從容借
一枝。

謾說長安近。長安咫尺遠。紅塵隨去馬。春色感初

衣。投足知何似。論交悔昨非。梨花與桃李。徒自鬪

芳菲

薰風來寶構。嘉樹有濃陰。所在成欣賞。何須聽足

音。夢回清磬住。雨過落紅深。遮莫相思鳥。晨啼與

暮吟

六朝先生遺集 卷一 亦南軒稿 十二

苦雨

初陽久已匿。連雨欲無涯。屋漏牀牀似。愁眉个个

皆亂雲。深薄暮。踈響滴空壻。何日晴官閣。清秋寫

客懷

秋懷

山閣仍清夜。江鄉復阻橋。東南有思婦。西北望高

樓。張翰多愁緒。相如故倦遊。此時對明月。心折五

湖秋

送陳聖公表兄之官吳江

捧檄同仙尉。皇華得舊遊。三吳好風景。八月正清

秋送爾之南浦懷人上北樓
鄭莊賓客地西笑待歸舟

送家仲錫凡之官長沙

尉亦親民吏瀟湘赴遠遊
歸心先繞越別路未逢秋
南渡雙飛雁東歌獨倚樓
因君懷賈傅極目送扁舟

秋夜感興

木杪穿明月江樓度晚鐘
寒燈仍閉戶秋思與鳴鶯
覽句分嫌韻開尊歸病容
蕭條懷北幹許詢詩蕭條北

鶴笑周顒

六湖先生遺集

卷一 亦南軒稿 十三

七月晦日偶成

秋來傷舊雨假寐亦枯禪
歸翼難隨雁寒吟略似
嫌此心同月晦好夢逐誰圓
南國無消息愁人眼欲穿

奉答徐鹿溪太史見寄原韻

久遊馮翊厭風沙猶喜南臺對郡衙
山若有靈應笑我秋來無日不思家
槐花黃處迷津筏楓葉紅時感歲華
却上高樓望西北幾回叉手賦蒹葭

八月十三夜夢回口占

月近秋分處處圓碧紗窓扇隔蟬娟
鐘聲敲斷寒

山寺夢裏依稀記昔年

月落參橫思故鄉鳳巢池上木樨黃
門前有路輕離別紅粉樓中幾斷腸

年來

年來無藥治心慳且喜芳樽酒不空
總眼夜兼秋月白燭花寒綴石榴紅
家公猶未知山簡國士誰能辨阿蒙
悔讀南華成底事鷓鴣堂下笑冥鴻

沙河驛偶占

北望長安未倦游又將書劄出平州
人歸墟市如流水馬挽墮車趁菜秋
映日參差黃葉樹隔烟馳

六湖先生遺集

卷一 亦南軒稿 十四

邦均道上

蕩白沙洲路岐忽見擊鷹隊蘆管吹來塞草愁
七尺男兒心尚孩十年爛熳走燕臺
自傷不偶真如李鼓謂招賢請自隗
野燒合圍狡兔盡路塵豪橫馬羣來東遊欲獻甘泉賦風諫無文愧楚材

六湖先生遺集卷之一